

梧州府志卷之六

建置志

學校

學校之設樂育人材所謂古之人自家至國皆有學自幼至長未嘗去於學之中也方今

聖教覃敷遍及陬澨咸知端趨向重師儒雖在炎疆邊

徼泮水槐市之間弟子誦誦稱極盛焉仿鵝湖鹿

洞之良規則有書院追黨庠術序之遺意則有社

學建黌舍以居之給既廩以養之待士誠厚而士

之所以自待也寧為是博青衿為成名抱墨卷為

梧州府志

卷之六 學校

一

讀書而已哉

梧州府

梧州府學在府城東門外宋元祐中知州張唐輔

建於水井泉北建炎三年知州文彥明遷於放生

池南紹興二十二年知州任詔以神霄宮梧州城

唐開元時廢址改創洪邁有記元至元二十四年

總管馬麟重建明成化十一年都御史韓雍卜地

營創中為文廟東為啓聖祠前為兩廡又前為戟

門外為泮池跨以石梁左為神厨右為神庫東西

各有碑亭又前為櫺星門舊府縣學各有文廟乃

併而爲一正殿左爲府學明倫堂下爲四齋東進德日新西修業時習前爲儀門外東爲教授署西爲二訓導署前爲儒學門正殿右爲縣學明倫堂下爲二齋東致知西力行前爲儀門外爲教諭訓導二署前爲儒學門邱濬有記宏治十五年都御史鄧廷瓚以門地卑潦輦土築高六尺許石甃其外又易櫺星門以石柱廟宇堂齋悉因舊制益修之李東陽陳獻章有記正德八年建名宦鄉賢祠嘉靖七年建名卿祠八年建敬一亭十二年都御史陶諧復新之二十年都御史蔡經交南功成以

學宮振旅獻馘宜加壯麗始建尊經閣購書籍與敬一箴並藏毛伯溫有記萬歷九年知府陸萬垓十五年知府林喬楠相繼重修四十七年知府陳鑑復修天啓四年蒼梧知縣梁子璠修縣學明倫堂

國朝順治四年總兵李成棟自廣東率兵來梧廟宇祭器悉燬十三年知府張繼會率紳士復建十五年推官閻玫建戟門康熙二年知府黃龍建兩廡修櫺星門十一年知府楊彥溶重修正殿撤舊柱易以杉材建尊經閣於毀後□址十二年兵燬十

九年知府藺佳蔭捐資重修教授黃裳吉董其役  
殿中建設神主龕座殿東建啓聖祠增置東西廊  
舍祠之左爲明倫堂儀門之右爲敬一亭闢土繚  
垣殿閣門堂具舉二十一年冬署知府事何炯署  
教授黃裳吉續工捐修成之王如辰有記二十二  
年知府彭騰翹知縣尹維旆重修戟門二十四年  
知府陳天植修櫺星門四十六年知府李亨時重  
修宮牆五十七年知府范大士重修櫺星門啓聖  
祠尊經閣明倫堂雍正元年知府徐嘉賓奉文改  
啓聖祠爲崇聖祠添造追封五世王爵神牌並祭

器八年知府袁璣修明倫堂知府吳士鯤修兩廡  
鄉賢祠尊經閣十年署府徐德秩修建崇聖祠名  
宦祠並遷建明倫堂於學宮東南乾隆三十四年  
知府吳九齡倡捐移建五王殿於大成殿後其大  
成殿兩廡戟門櫺星門及泮池尊經閣皆撤舊易  
新一恢其模

文廟崇祀考夫子自哀公誅辭稱尼父爲立廟舊  
宅然生不能用死而誅之非禮稱余一人非名君  
子譏之秦政燔書儒道屏棄至漢高帝過魯以太  
牢祀此漢祀孔子始也孝武表章六經其功最鉅

元帝詔褒成君霸以所食邑祀孔子賜霸爵關內侯此孔子之後封侯始光武并祀七十子於孔廟此弟子從祀之始明章東巡皆親祀而章帝尤虔雖桓靈勿類然桓則廟置百戶卒春秋享祀靈則畫先師及七十二賢像以祀也魏正始間令太常釋奠祀於辟雍以顏淵配釋奠及顏子配享皆始於此前祇祀於闕里及是行於太學矣至皇太子釋奠始於晉武釋奠用軒懸之樂始於宋高有司之行薦享則始於孝文每月朔行禮則始於北齊天保間南北六朝之際多故矣而崇祀不敢廢也

隋文贈爲先師尼父以周公爲先聖南面孔子東面命州縣學以春秋二仲釋奠此州縣學釋奠之始也元魏命有司薦享至唐高祖詔國學立周孔廟各一太宗貞觀初別祀周公尊孔子爲先聖顏淵爲先師配焉又詔州縣皆立廟四時致祭以左邱明等配此定孔子先聖正南面祀郡邑學以先儒配之始也復定釋奠儀以祭酒司業博士備三獻後世國學遣官釋奠蓋始此而州縣以守令主祭亦始此矣高宗復聖周公師孔子長孫無忌等諫止之蓋專祀孔子自漢已然晉范堅問馮懷曰

漢代以來釋奠先師惟享仲尼不及公且何也馮  
曰若如來教當憲章堯舜文武豈惟周公然則貞  
觀定制古今不可易者歟總章元年贈顏淵少師  
曾參少保此則追贈弟子之始亦以曾子配享之  
始也開元間以孔子爲文宣王服袞冕樂用八佾  
定祭期春秋上丁贈弟子公侯伯追王定祭皆自  
元宗始降自五季雖凶暴如周主威然猶感夢下  
拜宋藝祖詔立戟門親撰贊詞太宗特免庸調詔  
孔宣襲封文宣公眞宗幸闕里特展拜欲追稱帝  
格於周無帝稱而止遂加諡至聖文宣王追封父

爲齊國公母顏氏爲魯國夫人妻开官氏爲鄆國  
夫人父母妻之追封自此始也仁宗卽位三幸太  
學再拜改封孔宗愿爲衍聖公衍聖之稱蓋始此  
宋興百十年間其尊師如此關閩濂洛之儒輩出  
有以哉神宗詔孟軻爲鄒公配享次於顏子此孟  
子配享之始也哲宗初太學一獻再拜徽宗詔冕  
用十二旒袞服九章封孔鯉泗水侯伋沂水侯躋  
伋從祀則子思配享之始也又以史記有公夏首  
至廉潔十人贈侯爵從祀皆未爲失乃政和三年  
以王安石配享王雱附之則顛倒甚矣逮南渡播

遷孔氏挈族如衢州高宗紹興間始以孔玠襲封至理宗斥去安石祀周程張朱而是非乃明遼金亦知尊崇如舊制至元世祖命丁祭執事皆具公服執手板成宗初勅到任官先謁孔廟到任謁廟自成宗始也大德十年加大成至聖文宣王至順初又封孔子父爲啓聖王母爲啓聖王夫人顏曾思孟皆加公爵則元文宗始也明高帝初詔祀孔子於京師及曲阜以錢唐言令天下通祀二年停孟子配享唐又諫復之十四年遣官以太牢祀帝遂視學釋奠禁婦女入廟者斬孝慈后欲謁廟不

許築土山於門外憑高瞻拜焉二十六年大晟樂成頒樂器於郡學州縣爲式成祖命視學服皮弁行一奠四拜禮行四拜禮乃自此始睿帝禁釋老宮祀孔子令祭物非所產者以所產代景帝增祭品純帝加牲用樂增八佾十二籩豆敬帝用太牢加幣改分獻爲分奠晉衍聖公秩二品朝會班一品上示不臣也孔氏世舉一人爲曲阜令公親弟承子思子爲翰林博士其系衢州者亦襲博士其尊聖隆矣嘉靖九年又從大學士張璁議稱爲至聖先師四配爲復聖顏子宗聖曾子述聖子思子

亞聖孟子兩廡從祀稱先賢先儒去像易木主大成殿爲先師廟別立祠祀叔梁紇爲啓聖公以無繇點鯉孟孫氏配稱先賢於是祀孔子非道之制盡更矣

國朝歷世相承酌古準今禮儀盡善康熙二十三年頒行萬世師表額雍正三年頒行生民未有額乾隆五年頒行與天地參額俱署於郡縣學又詔封五世王號改啟聖祠爲崇聖祠今

上東巡頻幸闕里典禮有加稱極盛焉

先儒從祀考先儒從祀自唐貞觀間以左邱明二

十二人始孟子廟以樂正子配享以公孫丑至子叔十七人從祀則宋政和間事也理宗時又有當代從祀者周敦頤二程張載朱熹張栻呂祖謙七人孔鯉邵雍司馬光則度宗時所祀也明初兩廡百有五人其進董仲舒而黜楊雄以雄有劇秦美新之論進胡安國蔡沈真德秀則在正統二年也嗣後屢經攷議是非乃定申黨卽申棖攷之史記以其複則去黨也公伯寮讒仲由沮孔子則不宜祀秦冉顏何以不見家語疑無其人而去也至如荀况言性惡以子思孟子亂天下劉向喜神仙方

伎賈逵附會議緯王弼崇老莊馬融貪鄙附勢殺  
李固何休春秋解詁黜周王魯又著風角占等書  
戴聖初毀何武武貸其子死復媚之王肅黨司馬  
氏而濟其惡杜預建短喪議又因斫瘿之譏盡殺  
江陵人吳澄以宋貢舉而仕元皆黜嗟乎之數人  
者或以著述名或以功業顯非不炳炳麟麟照耀  
當時而一指其謬直不能以一日居然則兩廡俎  
豆其可倖焉者哉至若林放蘧瑗本非弟子鄭衆  
盧植鄭康成服虔范甯著書皆未及聖人之精微  
故此七人各祀於其鄉也明嘉靖九年以程珦朱

松蔡元定從祀於啓聖祠萬歷二年又以周輔成  
祀焉十二年以程氏弟子羅從彥李侗暨當代薛  
瑄王守仁陳獻章胡居仁從祀於廡皆論之至公  
者也

國朝康熙五十一年升朱子於十哲之次五十四年  
以范仲淹從祀迨雍正二年釐定兩廡先賢先儒  
復蘧瑗林放秦冉顏何增牧皮縣亶則據家語史  
記叅攷增入者也孟子門人增樂正克公都子萬  
章公孫丑則準宋政和四年從祀鄒公廟之制也  
又復鄭康成范甯增諸葛亮尹焞黃幹陳淳魏了

胎罇一

四配復聖顏子宗聖曾子述聖子思子亞聖孟子  
陳設祭品每位帛一爵三羊一豕一鉶二和羹簋  
二黍稷簋二稻粱籩八榛芡菱棗栗鹿脯形鹽鯧  
魚豆八韭菹菁菹芹菹笋菹醢醢鹿醢兔醢魚醢  
罇一

十二哲殿內西向閔子冉子端木子仲子卜子有  
子殿內東向冉子宰予冉子言子顓孫子朱子  
陳設祭器東西十二案每位帛一爵一豕一鉶一  
和羹簋一黍簋一稷籩四棗栗鹿脯形鹽豆四菁

菹芹菹鹿醢兔醢豕首一東西共罇一

東廡六十二位先賢蘧子瑗澹臺子滅明原子憲  
南宮子适商子瞿漆雕子開司馬子耕梁子鱣冉  
子孺伯子虔冉子季濬雕子徒父漆雕子哆公西  
子赤任子不齊公子良孺公子肩定鄒子單罕父  
子黑榮子旂左子人郢鄭子國原子亢廉子潔叔  
仲子會公西子輿如邾子異陳子亢琴子張步子  
叔乘秦子非顏子噲顏子何縣子亶樂正子克萬  
子章周子敦頤程子顥邵子雍 先儒穀梁子赤  
伏子勝后子蒼董子仲舒杜子子春范子甯韓子

梧州府志

卷之六 學校

十

愈范子仲淹胡子瑗楊子時羅子從彥李子侗張  
子栻黃子幹真子德秀何子基趙子復金子履祥  
許子謙王子守仁薛子瑄羅子欽順陸子隴其  
西廡六十一位先賢林子放宓子不齊公冶子長  
公皙子哀高子柴樊子須商子澤巫馬子施顏子  
辛曹子邴公孫子龍秦子商顏子高壤子駟赤石  
子作蜀公夏子首后子處奚子容蒧顏子祖句井  
子疆秦子祖縣子成公祖子句茲燕子伋樂子欬  
狄子黑孔子忠公西子蒧顏子之僕施子之常申  
子根左子邱明秦子冉牧子皮公都子名無考公孫

子丑張子載程子頤先儒公羊子高孔子安國毛  
子萇高堂子名無考鄭子玄諸葛子亮王子通司馬  
子光歐陽子修胡子安國尹子焯呂子祖謙蔡子  
沈陸子九淵陳子淳魏子了翁王子柏許子衡吳  
子澄陳子湔陳子獻章胡子居仁蔡子清  
兩廡陳設祭品帛各一爵各一豕二羊二每案  
簠一黍簋一稷籩四棗栗形鹽鹿脯豆四菁菹  
芹菹鹿醢兔醢東西罇一  
樂章

迎神樂奏咸平之章 無舞

梧州府志

卷之六 學校

十一

大哉 至聖道德尊崇維持王化斯民是宗典祀  
有常精純並隆神其來格於昭聖容

初獻樂奏寧平之章 有舞

自生民來誰底其盛惟師神明度越前聖粢帛具  
成禮容斯稱黍稷非馨惟神之聽

亞獻樂奏安平之章 有舞

大哉聖師實天生德作樂以崇時祀無斃清酤惟  
馨嘉牲孔碩薦羞神明庶幾昭格

三獻樂奏景平之章 有舞

百王宗師生民物軌瞻之洋洋神其寧止酌彼金

疊惟清且旨登獻惟三於嘻成禮

徹饌樂奏咸平之章 無舞

犧象在前豆籩在列以享以薦既芳既潔禮成樂備人神和悅祭則受福率遵無越

送神樂奏咸平之章 望燎同

有嚴學宮四方來崇恪恭祀事威儀雖離雖歆茲惟馨神馭還復明禋斯畢咸膺百福

樂器

麾 金鐘 鼓 玉磬 搏拊 祝 敵 琴

瑟 排簫 笙 簫 笛 塤 箎

梧州府志

卷之六 學校

十二

舞器

節 羽 籥

按郡學內舊無樂器卽祭器亦多缺損不完現存錫香案二十副錫爵五十四隻銅爵六隻乾隆二十三年係原任知府永常捐置自乾隆三十年知府吳九齡倡捐撤新學宮告成之際捐俸置備祭器如法并創置樂器俱備選生習樂自茲始

崇聖祠舊名啓聖祠初議發於熊禾至嘉靖年間主事劉魁申其說遂行之雍正六年易爲崇聖追

封先世五代肇聖王木金父公裕聖王祈父公詒  
聖王防叔公昌聖王伯夏公啓聖王叔梁公祭與  
文廟同日先釋菜不用樂陳設祭品同正殿惟減  
太羹一太牢一  
四配西向先賢顏氏無繇孔氏鯉東向先賢曾氏  
點孟孫氏激  
東廡先儒周輔成張廸蔡元定  
西廡先儒程珦朱松  
陳設祭品帛二每位銅爵三簋一黍簋一稷籩四  
棗栗鹿脯形鹽豆四菁菹芹菹鹿醢兔醢豕肉一

名宦祠周禮凡有道德者使教焉死則以爲樂祖  
祭於瞽宗祭法所謂法施於民則祀之也與斯典  
者亦綦重矣郡祀漢太守杜穆陳稚升喻猛陳臨  
張磐唐刺史鄭畋經略使元結宋知州陳執中梁  
適陳宇明平章政事楊璟提學彭甫黃佐李儀壯  
知府羅觀李本張吉陳觀劉士奇翁萬達通判劉  
銘蒼梧知縣劉滄藤縣典史孫懋祠舊在水井上  
爲七賢堂明正德十二年改建府學戟門左  
鄉賢祠古鄉先生没而祀於社祠之所由昉也非  
甚盛德能無愧哉宋黃灝曰凡祠於學不以功德

名位諸不在六藝之科不知父子君臣夫婦朋友之義不知正心誠意修身之學者咸不在列如灝言賢祠有幾人乎今本郡祀東漢陳欽陳元陳堅卿養奮申朔鄧盛頓琦士燮士壹士厥明宋欽吳廷舉凡一十二人祠舊在冰井上爲六賢祠明正德十年改建學宮

陳設祭品帛一爵各一羊一豕一兩祠同

〔忠義孝悌祠〕至行可風俎豆報之雍正三年勅建此祠以補鄉賢之未及也祠祀漢頓琦牟子衡毅賈雍明宋欽楊宣甘思忠何士麟石瓏李獻忠廖

梧州府志

卷之六 學校

十四

坤英陳堯典曾以誠李華先

國朝曾士揚朱子慶凡一十六人

〔名卿祠〕明嘉靖七年知府周任建祀漢邳離侯路博德新息侯馬援宋武襄公狄青明懷遠伯山雲後入都御史王翱葉盛劉大夏姚鏞王守仁崇禎四年又入總制鄭綱

神厨東廡下

神庫西廡下

敬一亭明倫堂儀門之右今圯

進德日新二齋明倫堂前東今圯

修業時習二齋明倫堂前西今圯

儒學署明倫堂前東爲教授署西爲訓導署

蒼梧縣

蒼梧縣學自宋元祐間建北門內迨於縣舍紹興二十一年遷山川壇右至明成化時都御史韓雍撤山川於東郊遷縣學合郡文廟而併之於廟右建縣學明倫堂左爲教諭署右爲訓導署東西有二齋廟雖合而學仍分也天啓三年知縣梁子璠重修後毀

國朝康熙三十九年知縣潘名世教諭安自治訓導

梧州府志

卷之六 學校

十五

黎民表合紳士各捐資建於城東門內城隍廟西規制未備五十八年知縣劉國臣捐俸倡率紳士重建啓聖祠明倫堂雍正元年建兩廡戟門櫺星門名宦鄉賢祠又奉文易崇聖祠額添造神牌祭器七年知縣李振宗修櫺星門及明倫堂乾隆二十五年知縣鄭交泰率紳士建崇聖祠於大殿後名宦祠在東廡前明正德十年建

國朝雍正元年重建祀漢邳離侯路博德刺史羅宏太守杜穆新息侯馬援太守陳稚升喻猛陳臨刺史張磐晉武當侯滕修唐撫慰使李靖巡察使尉

遲恭經畧使元結王翊杜佑戴叔倫刺史韋丹鄭  
畋宋知州陳執中梁適武襄公狄青知州李亨伯  
陳宇明通判劉銘知府羅觀總兵山雲知府李本  
陳觀都御史王翱葉盛韓雍知縣劉滄知府張吉  
都御史劉大夏姚謨王守仁布政使舒清知府劉  
士奇翁萬達總督蔡經知縣劉陶總督鄭綱殷正  
茂知縣李日異總督陳大科知府陳鑑知縣梁子  
璠汪德元

國朝知府沈倫巡按御史田昇龍知縣陳緯通判楊  
廷耀巡撫郝浴知府張繼曾推官闔玫蒼梧道張

梧州府志

卷之六 學校

十六

若霈凡五十五人

鄉賢祠在西廡前明正德十年建

國朝雍正元年重修祀漢陳欽陳元陳堅鄉申朔鄧  
盛士燮士壹士厥宋陳坦然明莫敬山李素李觀  
智吳廷舉石邦柱凡一十四人

明倫堂在大殿東北

忠義祠在崇聖祠右

國朝雍正三年建祀漢頓琦衡毅賈雍明宋欽楊宣  
甘思忠何士麟石瓏李獻忠廖坤英陳堯典曾以  
誠李華先

國朝朱子慶曾士揚

節孝祠在南薰門外東街

國朝雍正四年奉文建祀石氏黎氏莫氏譚氏李氏  
石氏阮氏關氏鍾氏

藤縣學在縣南門外學嶺之麓元至順三年知州  
文魁建元統三年建書樓三間至正七年置祭器  
明洪武七年州同知金文仲重建正統十二年知  
縣馮哲修天順六年知縣謝鉉重建宏治十年知  
縣廖佐重修又重建西廡戟門十七年提督僉事  
姚鏞委官增修堂宇齋舍嘉靖六年典史孫懋重

梧州府志

卷之六 學校

十七

修二十三年知縣顏參修明倫堂隆慶四年知縣  
司鑑增置祭器書籍萬歷二十八年知縣劉炅改  
建於舊址西五十步四十三年知縣李廷幹從諸  
生請遷復舊址天啓五年知縣曾鳳彩建文昌於  
學東工未竣而卒崇禎三年署縣事經歷葉大紳  
修戟門八年知縣梁昌重修明倫堂文昌閣  
國朝康熙十年知縣蒲珩修復未備二十五年知縣  
萬愷重修二十八年知縣王斗璣修聖殿四十一  
年署縣事本府通判張一祥重修明倫堂四十四  
年知縣潘明祚修明倫堂大門儀門五十二年知

縣張純將通縣優免錢糧大修文廟改舊向易基址自殿宇兩廡以及名宦鄉賢逐一重建六十年知縣陳士修重修戟門啓聖祠鄉賢祠雍正元年知縣李文炎奉文易崇聖祠額添設神牌祭器八年知縣李郁芬修兩廡教諭呂德懋訓導梁松修櫺星門宮墻乾隆二年教諭賈正美修照墻三十年知縣布勒亨捐俸倡率紳士仍因舊址改復舊向坐西朝東建聖殿兩廡崇聖祠在正殿後正殿前爲戟門外左爲名宦祠右鄉賢祠前爲泮池櫺星門正殿左爲教諭署右爲訓導署左前爲明

倫堂外爲庠門俱撤新重修

參縣志

名宦祠在戟門左祀隋永平郡丞裴肅唐李夔庭宋郎簡元文魁明趙文凡五人

鄉賢祠在戟門右祀明寺正黃聚大理丞喻河副憲喻漢知州傅鑒楊霖知縣喻江霍榮司訓徐容傅惟宗生員余全凡十人

明倫堂在正殿左前

忠義祠在正殿後

節孝祠在學宮旁

容縣學唐貞觀元年建於駱駝橋西按史貞觀八

年始改銅州爲容州則建學時尚未有容州之號也宋自紹興以來遷徙靡常開禧間教授梁汝翼修葺有記咸淳元年重建元至元三年知州劉喆遷於縣治西南駱駝橋故址明洪武二年州同知王清因址重建正統間訓導蕭成建興賢育才二坊景泰五年知縣黃佐重修殿廡戟門厨庫泮池成化十六年知縣林廷輝建櫺星門饌堂明倫堂及東西二齋宏治間知縣程哲文重修嘉靖十年知縣蔡雨改建遷明倫堂於殿左敬一亭居其中兩廡齋厨戟門櫺星門泮池規制復新有記知縣

秦行賔嚴春化相繼修建名宦鄉賢啓聖祠萬歷四年知縣萬一龍建坊七年知縣伍可受重修櫺星門啓聖宦賢三祠鍾繼英有記四十五年知縣侯應遴重修二坊易其額曰容山起鳳繡水騰蛟四十八年知縣區龍正復修嘉靖萬歷間訓導梁佩陳心學增置祭器

國朝康熙五十四年知縣蘇霖泓修殿廡門墻啓聖名宦鄉賢三祠及明倫堂雍正元年知縣楊肖億奉文易崇聖祠額添造神牌祭器乾隆二十年署知縣史斑倡修會去任不果二十二年知縣朱廷

掄二十四年知縣馮廣譽相繼重修告竣

崇聖王祠在正殿左

名宦祠在戟門左祀唐經畧使元結王翊杜祐戴  
叔倫韋丹宋知州王次翁蔣南金明初知州王清  
凡八人

鄉賢祠在戟門右祀元知州封履孫巡檢封盛甫  
明知縣王惟道僉事陳汝器員外王惟輿參議楊  
寧遠凡六人

明倫堂在敬一亭左有東西二齋

國朝乾隆二年知縣劉日福修

梧州府志

卷之六 學校

二十

忠義祠在明倫堂側祀明百戶覃聰

節孝祠在學宮西祀明孝行陳九鼎

國朝雍正三年知縣周釋建六年知縣王澂霞增修

岑溪縣學在舊縣治東唐武德五年建宋元因之

明洪武十二年教諭何進重建宏治三年知縣勞

雍遷建今縣治東北隅五年知縣查偉續成之正

德十六年知縣石希介遷於子城城隍廟西嘉靖

十七年知縣熊垚復遷城內四十年火署縣張子

翼修復萬歷二十二年知縣徐一文改建於城東

一里二十八年知縣曾莘重修鑿泮池三十三年

以地震圯知縣吳繼修復天啓元年知縣詹子忠復徙城內縣治後營建殿廡堂祠亭池門舍規制如初崇禎十二年知縣盧日就建啓聖祠明季兵燹聖廟獨存舉人廖標復設神牌奉祀

國朝順治十五年知縣劉廣國修建明倫堂康熙八年知縣劉昌言重修殿廡鄉賢祠明倫堂四十二年知縣張義修殿廡鄉賢祠雍正元年知縣富鴻業奉文易崇聖祠額添造神牌祭器乾隆二十八年知縣伊廷莘重修正殿兩廡及崇聖祠明倫堂崇聖王祠在正殿右

名宦祠在戟門左祀明知縣劉鎮謝有立余敦善張拱樞石希介周宗道曾莘主簿趙探夫教諭李時徐謹蔣聰陳夔典史區昌

本朝知縣劉廣國劉昌言凡一十五人

鄉賢祠在戟門右祀漢孝子丁密明評事周鼎知府梁潔通判廖士能推官羽尚忠州同羅寧知縣謝崇恩教諭梁文舉人廖標李茂

本朝鹽法道高熊徵凡一十一人

明倫堂在正殿左

忠義祠在鄉賢祠右

節孝祠在通濟橋北

國朝雍正二年知縣劉信嘉建

懷集縣學在縣東城內宋時建元末燬於兵明洪武三年儒士莫漢寬等重建永樂十五年修宣德六年知縣黃善愈重修訓導黎誠有記慈樂寨土巡檢錢家寶捐貲建明倫堂於廟後宏治七年知縣區昌修建殿廡堂祠戟門櫺星門泮池規制悉備督學彭公甫主政張公詡並記嘉靖九年建啓聖祠敬一亭是年釐正祀典易像爲主四十九年署知縣李鵬舉建啓聖名宦鄉賢三祠萬歷三十九年知縣越應捷復遷明倫堂於啓聖祠東建尊經閣於廟後四十六年知縣謝君惠重修崇禎十六年知縣李盤訓導謝鯤重修

梧州府志

卷之六 學校

二十二

國朝順治十四年署縣賈宗會城守張英啓教諭鄭開曙重修有記康熙十八年知縣范吳重修二十四年知縣王世英修飾墻垣及名宦鄉賢二祠三十年知縣潘載霖以道經巒門照墻內非宜乃移墻稍進改路由墻外三十六年知縣翁是龍重修尊經閣四十六年訓導甘霖濟以照墻逼櫺星門買地擴之墻外道題曰青雲路教諭劉如晏作東

西柵門四十八年秋大雨屋壞知縣岳康委典史  
金堂重修五十四年舉人鄧尊德請知縣盧昆重  
修尊經閣雍正元年署知縣富鴻業奉文易換崇  
聖祠添造神牌祭器三年知縣陳廷嵩重修殿廡  
乾隆二十五年知縣顧旭明捐俸倡率紳士重修  
正殿兩廡儀門泮池櫺星門二十八年知縣武揮  
烈捐俸倡率紳士重修崇聖祠尊經閣明倫堂  
崇聖祠在尊經閣東

名宦祠在學宮儀門外祀知縣謝有立李璿李琪  
區昌陳渙林茂春謝君惠李邦才李聯芳主簿楊

梧州府志

卷之六 學校

二十三

韜凡十人

鄉賢祠在學宮儀門外祀同知莫彥樸訓導歐守  
中知州蘇忝知府陳祿知縣劉存仁阮悉郭應翰  
縣丞梁壯梁允玳州判徐應坤教授梁方圖凡

十一人

明倫堂在崇聖祠東

忠義祠在明倫堂左

節孝祠在明倫堂左

附學租

府學 蒼梧縣學附

原額學田四頃五十畝共租銀一十兩零五錢九分七釐五毫係懷集縣徵解

原額舖店八間共租銀七兩四錢內除傾頽舖店四間失收租銀五兩三錢八分現徵熟舖店四間共租銀二兩零二分本學徵解

原額學田一十三頃三十五畝六分二釐有奇每畝折銀不等共租銀九兩九錢五分四釐有奇原額舖店一十一間共租銀七兩七錢四分二毫二項共徵租銀一十七兩六錢九分七釐四毫有

奇學徵縣解

梧州府志

卷之六 學校

二十四

藤縣學

原額學田四頃四十八畝共租銀三十五兩內除荒田二頃一十二畝八分二釐零失收銀一十六兩六錢二分六釐九毫零現徵熟田二頃三十五畝一分七釐有奇共租銀一十八兩三錢七分三釐有奇學徵縣解

舊志藤縣學田原係邑紳萬祥提學駱日升知府凌嗣音府判徐嘉會教諭李忻等陸續捐置

容縣學

原額學田六頃三十畝一釐有奇共租銀一十六

兩三錢五分九釐三毫有奇內除荒田四頃零二畝六分一釐零失收租銀七兩零七分六釐二毫零現徵熟田二頃二十七畝四分有奇共租銀九兩二錢八分三釐有奇

學徵  
縣解

原額舖店一間每年租銀一兩傾額失收

舊志容縣學田原係明巡按李良臣署縣事府判

徐嘉會李先春知縣黎次瓊吳崇教等捐置

岑溪縣學

原額學田二頃二十三畝四分三釐有奇共租銀

四十九兩一釐有奇

學徵  
縣解

梧州府志

卷之六 學校

二十五

舊志岑溪縣學田原係明巡撫楊芳巡按李良臣

錢夢得提學駱日升知縣曾莘等捐置

懷集縣學

原額學田八頃五十畝共徵租銀一十兩零一分

七釐五毫

學徵  
縣解

舊志懷集縣學田原係明巡撫楊芳巡按錢夢得

知府凌嗣音知縣陳一定林春茂夏穫秋教諭蕭

位等捐置

按漢初諸儒徃徃以明經教於其鄉迨夫鱣堂

槐市生徒日衆卽書院助是矣其後建石鼓嶽

麓白鹿睢陽書院以山長主席聖教於以益彰  
書院固庠序所兼資也行之於邊嶠之區更不  
得謂爲緩圖而泄視之顧事不難於創興而難  
於經久而不敝梧州書院舊志可稽者十有六  
今郡中惟傳經一所其廢而不舉者已多將經  
費之不給歟抑負笈而橫經者少也雖然名實  
之間不可不辨也舉者務其名行者不求其實  
卽選勝地延名師厚餼廩以養之於羣居乎何  
益且所謂實者非徒講讀考課之是亟也學莫  
先於六書文莫大於九經以時文取科第所謂

根茂者其葉榮也若文昧止戈聲訛准別獨學  
而無師有不免者噬肯來遊於山長有厚望焉  
附書院義學社學田租

傳經書院舊名廻瀾在東門內因蒼梧縣舊義學  
基址

國朝康熙三十五年知縣劉以貴改建爲茶山書院  
四十六年知府李亨時於內建緇林閣四十九年  
知府李世孝捐資復建文昌祠魁星樓講堂學舍  
更名廻瀾置田稅米及舖地租永爲士子費給雍  
正三年知府徐嘉賓捐俸修葺延師講學巡撫李

紱更題曰傳經有說尋圮八年知府吳士鯤重修  
緇林閣十三年知府徐德秩於閣旁興建學舍三  
十餘間重建文昌閣仍更今名乾隆三十年知府  
吳九齡加給諸生膏火三十四年講堂傾圮吳守  
重建并修學舍文昌閣魁星樓皆葺新之

冢漪書院在桂江西岸白鶴觀前明成化間都御  
史韓雍建今廢

東湖書院在東門外漫泉亭東明宏治十年郡人  
吳廷舉建今廢

龍泉書院在桂江西岸山麓邑人石邦柱建後人

梧州府志

卷之六 學校

二十七

卽其地建景賢祀之今廢

梧山書院在舊儒學右嘉靖五年總督都御史姚  
鎮建置餼田十四頃有奇今廢

嶺表書院在府治東南明嘉靖十一年都御史陶  
諧因總鎮府舊址改建時程文德由翰林編修貶  
信宜典史檄掌教事今廢

梧陽書院在城外東南明萬歷四年八年知府陳  
鑑建後人卽此爲陳公祠

觀瀾書院在南薰門外濱江係陳公祠舊址爲營  
兵所據

國朝傅將軍修作住宅後復轉售康熙二十五年知府陳天植捐俸買復建觀瀾書院後圯改建雙賢祠

義學在大南門外西卽府義學舊址

國朝康熙五十七年知縣劉國臣修建邑人李世瑞建尊文閣於其後乾隆二十五年知縣鄭交泰倡率紳士移建於城西北鼓巖前今其址已廢  
傳經書院田稅地租

康熙五十一年知府李世孝捐銀四百五十兩買受藤縣二十五都雲野村程鄭基戶稅米一十五

梧州府志

卷之六 學校

二十八

石一斗一升五合共收租穀二萬三千三百二十六觔八兩租米五十二石六斗一升五合遞年該縣徵收於冬月照數批解赴府易銀支給修脯膏火

又康熙五十一年知府李世孝捐銀三十二兩五錢買授蒼梧縣在城莫天瑞石巷口舖地二間遞年租銀五兩一錢歲底繳府入書院燈油內支用雍正八九兩年藤縣二十五二十八兩都報陞田畝丈溢米內撥二十二石零七升一合歸入傳經書院定以稅米一斗收租米一石折銀六錢共銀

一百三十二兩四錢二分除輸糧外通年批解銀  
一百零七錢八分七釐

又康熙三十四年知府黃鍾捐銀一百兩買置須  
羅鄉田稅米三石零一斗通年收租易銀除輸賦  
外存貯縣庫每遇科舉年解府分給府縣兩學轉  
給文武生員赴科並文武舉人北上資斧之用  
社學

古者庠序學校下逮比閭族黨莫不有學明初詔  
天下每五十家設一社學延生員有學行者訓軍  
民子弟正統景泰間復檄諸郡邑選良士主社學

梧州府志

卷之六 學校

二十九

以訓蒙童實力奉行亦三代小學之遺也梧州各  
邑社學之紀於城鄉者所在多有亦名義學猶見  
古風焉爲之師者亦邑長所宜加意者也

蒼梧縣

鼓巖書院在城北二里慶林寺基乾隆二十五年  
知縣鄭交泰倡捐改建三十四年知縣牟鈐重修

石鏡學舍

勵志社 門在南薰

養正社 阜在北門外西高

端教社 門在內德政

南隅社 書在梧山西

西隅社 門在內西南

興福社 長在洲平尾政鄉

泗化社 化在洲泗

尚賢古卞榜村賢俱在鄉多

鰲頭社樂在鄉平

大觀社羅在鄉須

大坡社蓋在鄉冠

月崗社行在鄉長

龍抱社陽在鄉潯

司前社安在鄉東

伯合社平在鄉安

棲鳳社鄉在五堡陽

扶化社萬在歷四鄉三年堡知府上陳鑑建今廢明

修明社國在朝雍蓋正鄉七年務邑村人李世瑞建

射圃社為在吳府清學東公祠觀今德亭明廢

藤縣

三元書院在城西宋馮京讀書處明景泰元年僉

梧州府志 卷之六 學校

三十

事楊性創建三年知縣唐禮重建並買旁地以廣之宏治七年知縣廖佐復建樓堂以祀文簡公教諭周琳有記萬歷九年奉勘鬻為民居別建永安門內今改為義學

解元書院在仁封鄉赤水鎮本三界祠舊址明嘉靖元年提學劉節改建有記今廢

甯麓書院在縣學東北隅明洪武八年同知金文仲建延文簡後裔馮籍為師萬歷六年知縣陳雅言重修燬於火崇禎九年知縣梁昌重修今廢

友仁書院在三元書院右明隆慶元年署縣事同

知何文紹建萬歷九年奉勸爲民居

嶠清學舍卽三元書院舊址後

國朝雍正十二年知縣楊世昌捐俸於南門內買民地創建書舍

社學

澗西社治在縣西

城南社在今迎恩門內

容縣

勾漏書院邑人公建以祀宋安撫機宜吳元美今廢

甯山書院在儒學左卽思賢堂舊址明萬歷四十

梧州府志

卷之六 學校

三十一

六年知縣侯應遴改建今廢

繡江書院在縣署西久圯

國朝康熙二十九年知縣李瑞徵重建今存

社學

首善社在城內

興文社在街所

養蒙社在東外門

舉隅社在靈祠

關西社在北內門

養正社在桂坊

登俊社在廂七

龍頭社在唐村

朔鳳社在羅里

登明社在莘墟

登雲社在順里

養中社在水里

育英社 旺在村六

潛蛟社 屋在村坡

坡鳳社 頭在村坡

岑溪縣

文昌書院在學宮後明崇禎十二年知縣盧日就

建

國朝康熙四十三年知縣張羨修

文昌書舍在大洞福隆圍康熙六年縣中士人公

建祀昌黎韓公高熊徵有記

黎經書院久廢

義學在文昌閣左

梧州府志

卷之六 學校

三十二

國朝乾隆三年知縣何夢瑤奉

旨設獠獐義學三處一在大滙一在水汶墟一在南渡

埠

社學

登龍社 北在城

輔仁社 義在垌下村化鄉

凌雲社 河在中村鄉

升階社 龍在西村鄉

歸義社 義在鄉歸

永平社 城在鄉連

懷集縣

文昌書院在下郭水口明天啟元年知縣謝君惠

建後廢改爲閣

甬溪書院在定懷門外明崇禎十六年知縣李盤  
建有記久廢

國朝乾隆十一年知縣冀宏璧因舊址重建廣訓樓  
爲講約所

社學

松栢社

城北社

上郭社

坊郭社

譚村社

獨週社

務本社

西水社

河南社

射圃社

亭在城東門外久廢  
曰觀德

梧州府志

卷之六 學校

三十三

存址